

L'incendie de Rome, Suetone

(1) Sed nec populo aut moenibus patriae pepercit.

(2) Dicente quodam in sermone communi: "Emou thanontos gaia michtheto pyri" "Immo", inquit, "emou zontos," planeque ita fecit.

(3) Nam quasi offensus deformitate ueterum aedificorum et angustiis flexurisq; uicorum, incendit urbem tam palam, ut plerique consulares cubicularios eius cum stuppa taedaq; in praediis suis deprehensos non attigerint, et quaedam horrea circum domum Auream, quorum spatium maxime desiderabat, ut bellicis machinis labefacta atque inflammata sint quod saxeo muro constructa erant.

(4) Per sex dies septemq; noctes ea clade saeuitum est ad monumentorum bustorumq; deuersoria plebe compulsa.

Voici la suite en latin, pour info :

(5) Tunc praeter immensum numerum insularum domus priscorum ducum arserunt hostilibus adhuc spoliis adornatae deorumq; aedes ab regibus ac deinde Punicis et Gallicis bellis uotae dedicataeque, et quidquid uisendum atque memorabile ex antiquitate durauerat.

(6) Hoc incendium e turre Maecenatiana prospectans laetusque "flammae", ut aiebat, "pulchritudine", Halosin Ilii in illo suo scaenico habitu decantauit.

(7) Ac ne non hinc quoque quantum posse praedae et manubiarium inuaderet, pollicitus cadauerum et ruderum gratuitam egestionem nemini ad reliquias rerum suarum adire permisit; conlationibusque non receptis modo uerum et efflagitatis prouincias priuatorumque census prope exhaustit.